

**Kalaallit oqaasiisa takornartat oqaasiisut ilinnialernissaannut qanoq iliorluta inersimasunik kajumissuseqalersitsinissarput pillugu apeqquteqaataat aallaavigalugu oqallinnissamik siunnersuut.**

(Inatsisartunut Ilaasortaq Andreas Uldum, Demokraatit)

**Akissuteqaat**

(Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoq)

**Siullermeerneqarnera**

Siunnersuuteqartoq soqutiginantumik ullumikkullu sammineqartumut siunnersuuteqarneranut qujanaq.

Aallaqqaasiutigalugu Naalakkersuisut eqqaasitsissutigissavaat aalajangiussassatut siunnersuutip UPA 2013/80 malitseqartinneqarnerani Naalakkersuisut “Periusissiatut iliuusissatullu pilersaarusiaq “Paaseqaatigiissa” pillugu nassuiaat – Innuttaasut tamarmik kalaallit oqaasiinik atuisinnaanissaat qulakkeerniarlugu suliniutissaat” UPA 2014-imut suliarigamikku. Nassuiaat juunimi isumasioqatigiisitsinissamut tunngaviususaaq Inatsisartunut ilaasortanut agguanneqareerpoq, neriuppungalu nassuiaammi inerniliinerit innersuussutillu uani oqallinnermi ilanngunneqassasut.

Apeqquteqaat tunngavigalugu oqallinnissamut siunnersuut suliffeqarnermi kattuffinnut, Oqaasiliortunut Oqaatsinut Pikkorissarfimmullu tusarniutigaat. Kalaallit oqaasiinik ilinniarnissamut pitsaanerusumik sinaakkusiisoqarnissaa GA-p tamanut tunngatillugu tapersersorpaa. Malugisarpaallu suliffeqarfinni pisortanit pigisaanni suliffeqarfimmilu imminut ingerlattuni sulisut kalaallit oqaasiinik ilinniarnissaannut sulinngiffeqartinneqartartut. Tikkuarpaalli oqaatsinik ilinniarnissamut suliffeqarfiit sulisunik akissarsiaqartitsillutik sulinngiffeqartitsisussaataappata tamanna suliffeqarfinnut aningaasartuutaasorujussuussasoq. Takorusunneruaat sulisut akissarsiaqaratik oqaatsinik ilinniarnissamik akuerineqartassasut.

Oqaatsinik Pikkorissarfik siunnersuut pillugu oqaaseqaammuni allappoq paasissallugu pingaartuusooq oqaatsinik ilinniarnissaaq sivisusartoq anguniagaqarlunilu suliaqarnissaaq pisariaqartut. Pingaartumik ilitsoqqussaralugu oqaatsinit oqaatsit allaanerujussuugaangata. Malugaat tamanut tunngasumik ilinniartitseriaatsit assigiinngitsorpassuit nassaassaasut aamma oqaatsinik ilinniarnermut tunngatillugu. Ilinniartitseriaatsit assigiinngitsut atortarpaat, tassunga ilanngullugu oqaasiviit ilanngunneqarnerat aammalu attaveqaqatigiittarnermi sammisat assigiinngitsut atorlugit.

Pisortani tapiissuteqarnissamut ilaatigut periarfissaqarpoq, taakkunanilu tamanut tunngatillugu oqaatsinik pikkorissarnissamut atorsinnaapput. Kalaallit oqaasiinik ilinniartitsisarnerup ingerlaavartumik nalilersorneqartarnissaa ilinniartinniakkanullu

naleqqussarneqartarnissaa Naalakkersuisut suliniutiginiarpaat. Pineqartut tassaapput meeqqat atuarfianni atuartitsineq aammalu ingerlaqqilluni ilinniarnert, Oqaatsinik Pikkorissarfimmit neqeroorutinut atuuttunut.

Kalaallit oqaasiinik allamiullu oqaasiinik ilinniarnermut tunngatillugu ikioqatigiittarnissaq inuit ataasiakkaat piumassuseqarnerannut pingaaruteqarpoq. Aammali pingaaruteqarpoq eqqaamassallugu kalaallit inuummata illarumatuut.

Taamatut oqaaseqarlunga pitsaasumik kinguneqartumillu oqalliseqqinnissassinnik kissaappassi.